



程報

THE ENGINEERING POST


Year's Review 年度回顧



 The Engineering Students' Union, HKUSTSU, Session 2025-2026
第三十一屆香港科技大學學生會工學院學生會幹事

Table Of Contents

| | |
|---------------------------------|----|
| 編者的話 | 03 |
| 「癲瘋」 | 04 |
| The 31 st Year | 05 |
| Functions Review | 06 |
| 莊員感想 | 16 |
| 新莊快訊 | 22 |
| 聯絡資料 | 23 |



編者的話

莊期悄然嚟到尾聲，回望返成段旅程，真係幾感慨。九個原本完全唔識嘅人，一路由陌生到熟絡，最後變成並肩作戰嘅隊友，呢段時間真係充滿笑聲同成長。

記得我哋自成莊嗰刻，決定取名為「Epitome」，寓意「巔峰」，就帶住我哋對卓越嘅追求，為嘅係要喺呢一年，將每一個 function 都呈現最精彩嘅畫面。回望過去，固然有好多不足之處，但係每次搞function我哋都有博盡嚟做，都算係無悔初心。當然啦，辛苦一定有，試過劫到爆，試過覺得無力，有時都會問自己：做咁多嘢，究竟為咗乜？但係喺最血氣方剛嘅歲數，肆意咁揮霍青春嚟追求巔峰，都係屬於另一種嘅「癡瘋」吧。

喺呢段旅程中，不可或缺嘅，一定係咁多位members一路以嚟嘅支持。由派發Welfare Delivery，到舉辦OCamp、Welcoming Dinner、JUST等等，舉辦咗咁多活動，都係希望俾大家感受下「工程」獨特嘅魅力。每次見到你哋好開心咁投入其中，都令我哋覺得一切努力都好值得。正因為有你哋，我哋先有動力不斷進步，令莊期變得更加充實，更有意義。

Anson Sit


Publication Secretary

The Engineering Students' Union, HKUSTSU, Session 2025-2026

「癲瘋」



第三十一屆香港科技大學學生會工學院學生會幹事





The 31st Year

| | |
|----------------------------|---|
| April | The 31st Inauguration Ceremony |
| August | Orientation Camp |
| September | Orientation Week Welcoming Dinner Sub-Committee Function |
| October | Information Session |
| November | Sales of Society Product Joint Union Sports Tournament 2025 |
| December | Mentorship Program |
| Whole-year function | Welfare Delivery Sports Team Recruitment Firm Visit |


Epitome

Promotion Period



Promotion Period 嗰兩個禮拜，我哋為令啲遊戲更加精彩，我哋落手落腳整咗 Wire Passing Game，一展工程人嘅風采。每次喺Atrium 有「嘩—」聲響起，都代表有挑戰者玩得投入，令我哋充滿成就感！除咗呢個 Game 之外，當然唔少得 Baby Face Matching Game，睇住啲 BB 相，有時真係分唔清邊個打邊個，大家細個都咁得意嘅！當然，活動成功背後亦有唔少血汗。我哋一邊返去開 Forum，一邊要坐 Booth、Hold Game，嗰兩個禮拜真係忙到不得了。但見到大家玩得開心，所有付出都變得值得！正正因為大家嘅支持同信任，Epitome 先可以成功上任，為大家舉辦呢一年精彩嘅活動。



Inauguration Ceremony



要準備呢個隆重而盛大嘅就職典禮，真係經歷咗唔少挑戰。由最初開會決定主題‘Effulgentia’、邀請 guests、設計 souvenirs，到搵 sponsors、練 marching，每一步都充滿心血同汗水。

討論過程中可能會有分歧，但正正因為咁，我哋學識咗點樣去溝通、聆聽同表達。而每一次開會、每一晚留嚟科大做莊務，都令我哋更加明白彼此之間嘅信任同扶持有幾重要。

見到有咁多 guests 嚟見證我哋宣誓，真係巧滾動～ 而宣誓後，亦都代表我哋正式上任啦！



Orientation Camp




Ocamp可以話係我哋其中一個最大型嘅function。除咗希望一班啱啱嚟到UST嘅freshmen可以識下friend，熟習校園環境，我哋更加想俾佢哋一個畢生難忘嘅3日2夜camp experience。已經數唔清有幾多次開會開到凌晨，搭uber一齊走，改過無數次rundown同proposal，就係想FM可以感受到我哋做FM嗰個年玩過嗰個咁firm、咁有vibe嘅Ocamp。嗰種開心、嗰種bonding，我哋經歷過，所以想用我哋嘅方式，將呢份感覺傳落去。

Day 1嘅Party Night，見到大家喺場中跟住DJ vibe跳到癲，我哋都好樂在其中。可惜天公不作美，Day 2落住傾盆大雨，令到原本安排好嘅行程亂晒籠。大雨大到連火都未必起到，嗰刻我哋真係感受到，原來再多嘅計劃，都會俾天空不測風雲打亂。而我哋唯一可以做嘅，就係咬實牙關、盡全力撐住，一步一步走完呢段旅程。呢個camp，唔完美，但係笑聲、混亂，都成為咗另一類嘅「難忘」。



「踏上這無盡旅途
過去飄散消散失散花火
重燃起 重燃點起鼓舞
或許到最後沒有完美句號
仍然倔強冒險——去征討」

Orientation Week



Orientation Week 最主要就係向各位 FM 介紹 ESU，等大家可以了解我哋係一個點樣嘅 soc。有人行過望兩眼，有人停低傾偈，講講下仲有人即場報名做 ESU member，好開心可以迎接新member加入ESU呢個大家庭！不過最令人印象深刻嘅「member」，一定係嗰隻突然飛嚟我哋 Booth 嘅鴿仔，企喺度頭望望好似真係想join咁，大家都話ESU風水太好，連鴿都忍唔住飛嚟報到 :p

Welcoming Dinner



唔使驚見到啲女僕，因為呢個就係我哋嘅 Welcoming Dinner！呢個活動係專為 Freshmen 同 Ocamp 嘅大家而設，大家聚首一堂，食嘢、睇片、玩遊戲、抽獎，勁 jeng！今次仲要係 Uniform Party，大家都著住唔同款式嘅校服，好似返咗中學咁，暫時放低平時嘅 stress 同 tension，淨係食同玩。而今次嘅抽獎環節絕對係全場焦點，大家都好期待擺到心頭好～再次特別鳴謝 On 贊助禮物，令成晚活動更加圓滿！今次 Wel Din 唔單止俾大家喺開學初期感受到 ESU 咁 warm 嘅 vibes，仲可以認識新 friend，一齊迎接新一學期！

Sub-Committee Function



見到呢班精英就知道係我哋嘅 Sub-committee Function 啦！今次嘅 Function 係由三次 Meeting 組成，包括第一次嘅 Ice-breaking 同分組、第二次嘅進度 Presentation，同最後一次嘅 Function Day。望住佢哋由唔識嘅陌生人，到 Function Day 變成有默契嘅隊友，真係不禁回想起一年前嘅我哋啊！而我哋嘅 Sub-com 們都好叻咁由零開始砌咗個攤位出嚟！又有遊戲又有禮物，勁吸引～

Firm visit I

唔好以為去到公司就好嚴肅，其實今次我哋嘅 Firm Visit 去到信和集團嘅 Sino Inno Lab，勁有趣！大家一齊參加咗 Lab Tour，親身見識到好多創新科技同未來應用，感覺好似打開咗新世界大門。

最令人興奮嘅，當然係 VR Trial Session 啦！大家都即刻投入其中，試玩唔同嘅虛擬體驗。

特別鳴謝 Sino Inno Lab 嘅安排，令成個活動更加圓滿！呢次 Firm Visit 唔單止係一次學習之旅，仲係一個好好嘅 networking 機會，相信對未來職場或者 project 都有啲啟發。期待下一次再有咁精彩嘅活動！



Joint Union Sports Tournament 2025



今次同 Business Students' Union 合作搞嘅 Sports Tournament，真係全場充滿能量！無論係場上比拼，定係場邊打氣，大家都展現咗團隊精神同熱血 vibes。除咗運動競技，仲係一次跨 society 嘅交流，令大家可以喺汗水同歡笑之中建立新 connection。呢種合作唔止係比賽，更加係一個 platform，俾大家體驗 sportsmanship + networking！

Mentorship Program



嚟到壓軸出場嘅 MENTORSHIP PROGRAM !
今次嘅 MENTOR 陣容真係不得了！除咗有 ENGINE 界嘅
精英，好似 CIVL、MECH 等等之外，仲有 FINTECH、
BUSINESS 界別嘅佼佼者！
未參與嘅 MEMBER 就真係走寶啦，因為今次唔單止係一
個難得又可貴嘅機會，俾大家近距離同 PROFESSOR 傾
計，仲可以從佢哋身上得到多方面嘅就業建議，幫助大家
更好咁裝備自己，安排畢業後嘅路向。

Welfare Delivery



Welfare delivery我哋用心為大家準備最貼心、最實用嘅物品，務求令大家喺繁忙嘅學期中都可以感受到支持同關懷。除咗有精美嘅 cutlery set 同埋耐用水樽，等大家喺 finals week 都可以飲飽食醉、隨時補充能量之外，仲有日本柚子軟糖俾大家補充能量。無論你係趕住去摺liba，定係考試完想chill下，只要行過路過，都一定唔可以錯過！

莊員感想



LAU Yui Ki Ricky President

首先，我想多謝萬惡之源29 Moon，就算落咗莊都好（又上左31），都依然一直支我哋ESU嘅活動，係佢先令到我真真正正ESU呢個大家庭嘅歸屬感。我會話有咗佢喺背後嘅幫手同埋支持，我哋呢屆嘅活動有可能可以進行得咁順利。

過去呢一年，我會形容為東京新宿車站，錯綜複雜。所有要踩嘅坑都差唔多踩晒，時不時仲有啲令人頭痛嘅事。由一開始in aug大家仲未熟悉一個function要點進行，到我地呢屆換制度，freshman由board-based變department-based入黎，Ocamp前兩三日先有得擺booth宣傳Ocamp，最後要諗盡辦法叫fm過黎玩我地Ocamp。當中我地都好掙扎過要點做，但好慶幸最後都算圓滿結束。

不過都正正證實咗「ESU唔養廢人」呢句名言。

多謝每一位莊員陪伴同埋付出，先可以令到我哋喺人手短缺嘅情況下都做出咁高質嘅活動，尤其係重啟咗已經冇咗10幾年嘅Mentorship program

至於下莊，希望你哋可以好好享受上莊帶嚟嘅感受，無論係開心定唔開心都好，既然你選擇咗同呢班人一齊上莊咁就好好珍惜同佢哋相處嘅時光，唔好淨係當上莊係一件todo list。

AU Shun Kwan Matthew Internal Vice-President



真係話咁快就落莊啦。眨吓眼，其實都已經上莊上咗成年。我哋呢支莊，由11月Pro P嗰陣一齊整dec，坐counter，到4月一齊搞Inaug，8月一齊搞Ocamp，直到依家，已經係我哋莊期嘅尾聲。

論上莊，其實好多人會話係一件好有意思嘅嘢。好多人話上莊又辛苦，付出嘅時間同金錢又多，仲要犧牲自己嘅讀書時間，咁上嚟為乜呢？答案其實好簡單，就係為咗同你一齊上莊嘅人。初初入到大學，全部都新面孔，佢哋大機會就係你哋識到嘅第一班人。佢哋同你可能來自唔同嘅世界，但係竟然有緣喺科大見面，仲上埋同一支莊。佢哋會無條件陪你捱夜，半夜三更寫文件，整dec，會陪你出去玩，會俾一啲好難忘嘅記憶你，彷彿返咗中學個陣嘅熱血時期。你唔知唔覺嘅情況之下，佢哋已經成為咗你大學生涯四年入面，一班至為寶貴嘅人。


係嘅，始終朋友之間都難以避免拗撬，但係其實都係一種成長嘅過程。做莊務期間，你同你嘅莊員會唔同嘅事有唔同嘅意見，有唔同嘅取態，有唔同嘅做事方法。但係，佢哋都係想為支莊好，只係每個人嘅睇法有唔同。呢個係我上莊一年後先理解到嘅嘢。「容忍」同埋「原諒」係我係莊期中體會到嘅4隻字，希望各屆下莊明白同埋學識。

去到依家，我係莊期中，帶得走嘅只係我嘅8位莊員。佢哋俾到動力我，去落力做嘢，去通頂捱夜，去將每件事做到最好。無論之後發生咩事，我希望我哋可以keep住呢種寶貴嘅關係，可以繼續約出嚟玩，可以繼續見面。如果可以10年之後都咁friend，咁我對我嘅莊期都問心無愧。

想再多一次多謝我每一位上莊，我每一位莊員，冇你哋，唔會有今日嘅我。

最後，對我班親愛嘅32屆下莊，記住當你嘅莊期完結嗰陣，即管你啲Event搞得幾好，有幾受歡迎，你落莊嗰陣，帶得走嘅只有你嘅莊員，記住好好珍惜佢哋。祝你哋未來上莊快樂，做嘢，直到落莊愉快，齊上齊落。

我嘅莊期正式完結，後會有期！



落莊快樂！拜拜你條尾！

CHAN Lok Yue Ethel
External Vice-President

祝各位下莊少啲拗撬
堅持到落莊。



TSANG Ho Hang Loe
Internal and Sports Secretary



LEE Cheuk Man Lucas
Financial Secretary

「大學五件事」，讀書、住Hall、上莊、拍拖、做Part-time都嘅Year 1完之前做晒。無論如何，上莊都係真正最充實嘅U-Life，同中學所謂嘅青春完全另一個Level。一年前望住個火起，一年後起返同一個火。一年前嘅O mate, 一年後嘅莊員。有福同享，有難同當，會有開通宵會的晚上，寫200張單的日子，但都會有睇日落嘅黃昏，食雞煲嘅凌晨，齊上堂，齊chur grade，send on9 reels嘅時刻。上莊Kam事包括：差啲比貨車撞死，pack soven pack到開唔返自己hall，喺歐洲求個friend幫我影Exco相，被lalamove同taobao ban咗，四日去咗四次e-print等等等等～好多謝我嘅莊員呢一年嚟嘅支持同努力，辛苦大家啦。呢個火把已經傳到第三十一屆，而家交俾三十二，致下莊們 always remember: Destiny is not a matter of chance, it's a matter of choice :))



SIT Kwan Yi Anson
Publication and Promotion Secretary

記得喺 OCamp 遇到班好 firm 嘅 Jobama，加埋 sub-com 同班傻傻地嘅人蠢蠢居居咁，就咁就俾人水咗上莊。眨下眼就過咗一年，多謝莊員們一直以嚟嘅陪伴（同埋唔使我搬搬抬抬(;ω;')），令我可以喺莊期入面 hea 住做、做住 hea！而家我落莊啦～
32加油°♡°+*

傳說ESU唔養閒人，但在下就係31屆最chill嘅閒人。係呢到要鄭重致謝Anson大哥分擔咗Pro sec嘅職責瘋狂出設，等我可以專心打雜，亦多謝各位莊員嘅包容體諒。呢一年嘅莊期會話都幾fun，好開心可以識到一大班friend，又有機會可以搞到Ocamp比大家一齊玩。多謝上莊嘅落力支持，我就落莊先，下莊加油！係咁多啦，31完了，ESU緣不了。



TSANG Chiu Yu Andy
General Affairs and Promotion Secretary



LIU Hoi Yeung Matthew
Marketing and Welfare Secretary

好多謝有你哋呢班人同我一齊上莊
仲記得大家pro p嗰時一齊整dec，
ocamp前幾日狂R人同finalize啲細節同
rundown 臨尾仲要落住大雨點起個火
嗰下真係太熱血了
感謝31我愛你們

咁快一年莊期就嚟完，都算係順順利
利。希望有幫ESU做到嘢。多謝各位
上莊、莊員同埋friend嘅support，
未來將會潛陣水先，但都歡迎隨時召
喚我出嚟~



YAU Chun Hei Samuel
Information System Secretary



WONG, Man Chun
External and Academic Secretary

又上多年莊，正！

卅壹日常



新莊快訊



第三十二屆香港科技大學學生會工學院學生會幹事

莊期嘅結束唔代表我哋旅途嘅完結，而係我哋共同經歷最巔峰，亦最癡瘋嘅里程碑。而家薪火相傳，喺呢度，我哋誠心祝願新一屆工學會學生內閣ELYSIUM 青出於藍、突破巔峰，期待見證你哋譜寫屬於你哋自己嘅另一篇章。



Mail Box #67, Student Amenities,
HKUST, Clear Water Bay, Kowloon,
Hong Kong



+852 2335 1728



su_esu@connect.ust.hk




<https://esu.su.hkust.edu.hk/>



@esu_hkustsu



The Engineering Students' Union,
HKUSTSU





**The Engineering Students' Union,
HKUSTSU, Session 2025-2026**